

DEO OPTIMO MAXIMO VNI ET TRINO, VIRGINI DEIPARÆ,
ET SANCTO LVCÆ, ORTHODOXORVM MEDICORVM PATRONO.

QVÆSTIO MEDICA.
CARDINALITIIS DISPUTATIONIBVS MANE DISCVTIENDA
IN SCHOLIS MEDICORVM, DIE IOVIS XV. MARTII,
M. CYPRIANO HVBAVLT Doctore Medico, Moderatore.

An irasci, senibus salubre?

959

CALORIS vnus beneficio viuientia conferuatur, illius extinctio necessarîo pereunt: hunc licet conuenienti pabulo videatur Natura sociasse, ex cuius consumptione certa & indubitata perniciës impendat; humanæ tamen subest industria, vires illius ea ratione moderari, vt non tantum præstantius opera perficiat sua, sed & longiori morâ perseueret. Hinc Medicus supremum numen aliquatenus videtur æmulari, cum operis ab eo tam sapienter elaborati ruinam impedit, illudque in suo statu diutissimè retinet. Atque vt igni solers pyrotechnicus eâ nouit arte frænum aut stimulum iniicere, vt inæquali celeritate subiectam lignorum congeriem absumat & à suffocationis periculo fiat immunis: sic Medici præcipuè interest Vestalem flammam nobis ingenitam, cum æterna esse nequeat, tardius saltem extinguï, eamque si languescat, puriorem ac vegetiorem efficere.

DIVINAM licet & cælestem agnoscat originem viuificus calor, quandiu caduco corpori inhærescit, iisdem quibus hoc affici potest iniuriis, subiicitur: ille, & pabuli penuriâ quam tandem effugere nulli conceditur, fatali necessitate perit; & dum adhuc vitæ cursum conficit, frequenti oppressione affligitur, quam & nimia nutritiorum, excrementiorumque humorum, tam vilium quàm inutilium copia, & crassioris sanguinis tardior in corde motus, committunt. Huic incommodo maximè opportuna est senilis ætas, præ cuius infirmo calore superuacanea plurima congeruntur, & cordis contractio debilior reddita ex ipso vitali fonte in artuum extrema, minus validè sanguinem caloris influentis vehiculum diffundit: hinc senes præ cæteris affidentem naturæ ministrum debent exoptare diligentem, qui noxiorum humorum tum coctione, tum vacuatione calorem natium extingui proximum reficiat: sopitum contrariæ qualitatıs admotione suscitet, & similis accessione eundem imminutum adaugeat.

HVMANVM animum vnum eundemque in agendo tenorem non præstat obseruare, sed inordinatis aliquando motibus exerceri, quos (etsi possit sæpius) non tamen semper debet coercere. Hi vt in sapientem hominem cadunt, sic & in sanum, nec parum ad tuendam valetudinem aut morbos expellendos conferunt. Omnium ira præstantissima promp-
Prioris & feliciore effectus inuehit: hæc non priuatorum quorundam hominum, sed generis humani propria affectio, veluti telum rationi à natura data est, quo licet occumbant plurimi, vix vnquam in eum à quo vibratur, scire consuevit. Vindictæ appetitum in quo præcipuè ira posita est, ebullientis in corde sanguinis feror sequitur, vehementiorque vniuersi corporis agitatio; in ea primum spiritus, deinde sanguis, tandem singulæ partes exandescunt: vnde menti accedit vigor, & ingenio acies, pulsus augetur, rubro cutis colore suffunditur, coctionum genus omne laudabilius perficitur, crassiora excrementa per vias naturæ conuenientes vacuantur, tenuiora referatis corporis arctioribus spiraculis per sudores insensilemque transpirationem expelluntur. Annon vt ipsa morbo interdum debetur sanitas, & superuenienti febri conuulsionis solutio, sic & corporis per-
Ifrigerationi, iracundiæ ardor non mediocriter conducit?

PITUITÆ soboles aduicia, pusillanimitas abiectique hominis vitium: *ιδοιμια* sanguineos feliciori sorte beat: cuius tamen tranquillitatis comes est vitalium animaliumque virium remissio: *βιλος* bili suum ortum refert, cumque nobilissimus animus, corpus expetat biliosum, ideo illustribus viris familiaris, & melioribus ingeniis innascitur, à cuius imperu in suscipiendis arduis audaciam, in exequendis fortitudinem & robur mutuatur. *Οξυθυμια* concitator mentis impetus est & celerior in iram præcipitatio, à frigida temperie proficiens: illa neque omnibus tuta, neque imperanda: iuuenibus & biliosis, quorum æstu feruent præcordia, noxia censetur, senibus & mulieribus utilis: hac tamen vti debent, non abuti: acutus calor, non accendendus, ne concitetur febris, & humores efferi, decursu vesano in caput sublati, rationem à sua sede dimoueant: sic præceps non audit currus habenas, & ferox ira rectore potentior, pericula, dum inferre cupit, non cauet.

IRASCI solius hominis est, cæterorum verò animantium furere: vnus vt acceptæ iniuriæ opinione percelli potest, sic illius vlciscendæ libidini detrahit quod exundat, eamque ad salutarem modum cogit. Sapiens ira, cuius incursum extra corpus non erumpit, & quæ non alterius pœnam, sed proprium commodum intendit: talem senum prudentia non excludit: in his commota hæc flamma frigidior sanguinem accendit, debiliorem arteriarum pullationem auget, singulas exercet partes, sine virium dispendio, mortis causis plurimum aduersatur, dum à calore in Corde desumpante & vbique diffuso in singulis partibus caloris integritas renouatur: earumque emendatur siccitas, cum sanguine vehementius impulsio, in particulas macie confectas succorum benignitas infunditur, quibus hoc viuifico nectare recreatis. viuus redditur faciei color, & quasi postliminio reuerfus iuuenilis ardor, vires animo nouas corporique conciliat: ita vt iure merito & *ἡγεμονικὸς ἀντιδρῶν ἐπὶ τῷ χυμῷ*, non concedi tantum possit, sed sæpe à peritiori Medico debeat imperari.

Ergo irasci, senibus salubre.

Proponebat Lutetiæ TVSSANVS FOVCAVLT Parisinus, A. R. S. H. M. DC. XLVI.

F. A. P.
BIBLIOTHECA